

INUIT ATAQATIGIIT

Inatsisartuni



27. januar 2023

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaaattoq matumuuna saqqummiuppara.

Naalakkersuisunut apeqqut:

- 1. Kommuninut agguataarlugit, ukiuni tallimani kingullerni, inunnik isumaginninnermik siunnersortimit/suliamik ingerlatsisumit ataatsimit suliassat meeqqanut tunngasut qanoq amerlatigisut suliarineqartarpat?**
- 2. Kommuninut agguataarlugit, ukiuni tallimani kingullerni, ilaqtariinnut/meeqqanut tunngasunik isumaginninnermut siunnersortit amerlassusaat qanoq ineriertorsimava?**
- 3. Isumaginninnermut siunnersortimit/suliamik ingerlatsisumit ataatsimit suliassat meeqqanut tunngasut suliarineqartartut amerlassusaat Naalakkersuisut qanoq nalilerpaat – amerlavallaarpaat?**
- 4. Assigiissumik naammaginartumillu nunatsinni tamarmi meeqqanut-ilaqtariinnullu sullissineq qulakkeerneqassappat, Isumaginninnermut siunnersortit qanoq amerlatigisut, kommuninut agguataarlugit, atorfissaqartinneqassasut Naalakkersuisut qanoq nalilerpaat?**
- 5. Ukiuni tallimani kingullerni, kommuninut agguataarlugit, suliassat meeqqanut tunngasut qanoq amerlatigippat?**
 - a. Ukiuni tallimani kingullernerni, qanoq 'kisitsisit taartut' (=kisitsisit ilisimaneqannngitsut, eqqoriarneqartartulli) kommuninut agguataarlugit nalinerneqarpat?**

(Asii Chemnitz Narup, Inatsisartunut ilaasortaq, Inuit Ataqatigiit)

Tunngavilersuut:

Ukiuni arlalissuarni pisariaqarluinnarsimavoq meeqqanik ilaqtariinnllu ikorneqarnerisa katsorsarneqarnerisalu, pisinnaatitaaffimminnik sullinneqarnerini, annertusisamik iliuuseqarfigineqarnissaat. Ikiuinissaq piffissaq eqqorlugu neqeroorutaasussaavoq, qaffassisumik pitsaassuseqartussaalluni nunatsinni nunarsuarmioqatigiinnilu meeqqat pisinnaatitaaffiinik naammassinnissinnaasariaqarluni.

Meeqqat tamarmik pitsaasumik meeraasinnaatitaanerannik inuiaqatigiittut siunertatta naannassineqarsinnaanissaanut qitiusumik tunngaviuvoq, isumaginninnikkut siunnersortinik amerlassutsimikkut naammattumik pikkorilluinnartunillu peqarnissarput.

Isumaginninnikkut siunnersortip/ suliamik ingerlatsisup ataatsip, suliassat meeqqanut tunngasut qanoq amerlatigisut suliarisarnerai oqallinermi uteqqiaffiujuarneqartarpoq, aamma meeqqat ilaqtariillu ikorneqarlutik sullinneqarneri eqqortumik ingerlassappat,

aamma inunniq isumaginninnikkut siunnersortit sulinermanni, suliffeqarfimminni tarnikkut timikkullu pissutinik qanoq ittunik atugaqarnersut oqallisigineqartarpoq, ilaqtariinnik sullissisut amerlassusaat naammattuunersut uteqqiaffigineqartarluni.

Kisitsisit paassisutissat eqqortut, aamma taakkununnga Naalakkersuisut nalilersuinerisa pissarsiarinissaat qilanaarlunga utaqqissavakka.

Ullut suliffiusut 10 qaangiutsinnagit apeqqutima akineqarnissaat kissaatigaara.